



Bjørk Lange Kristensen

Inatsisartunut ilaasortaq, Demokraatit

### § 37 naapertorlugu apeqqutip nr. 139/2023-p akineqarnera

11-10-2023  
Suliap nr. 2023-24097  
All. nr. 23102322

Asasara Bjørk Lange Kristensen

Postboks 1160  
Oqarasuaat: 34 50 00  
Fax: 34 55 05  
3900 Nuuk  
Emaili: [pn@nanooq.gl](mailto:pn@nanooq.gl)  
[www.naalakkersuisut.gl](http://www.naalakkersuisut.gl)

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuunneqartut qujassutigaaakka. Apeqqutit issuarneqarput ataanilu akineqarlutik.

#### 1. Inuunermik navianartorsiortitsisumik nappaateqartunut tunguinerimi immikkootortamik Peqqinnissaqarfimmi pilersitsinissaq atuulersitsinissarlu sumut killippa?

Akissut:

Dronning Ingridip Napparsimmavissuani inuunermik navianartorsiortitsisumik nappaateqartunut tunguinerimi immikkoortortaqaqarfiup 2024-p aallartinnerani nunallu sinnerani 2024-p ingerlanerani tamakkerlugu sanaartornerata naammassineqarnissaa naatsorsuutigineqartoq Peqqinnissaqarfimmit paasissutissiissutigineqarpoq. Peruluttunik nipaallisaatitortitsisarnermik neqeroorutip annertusarneqarnera aallartinneqarpoq, aamma tassani ilaatigut pineqarput Peqqinnissaqarfimmi kommunimilu peqqinnissap tungaatigut sullissisut piginnaasaannik ineriartortitsineq, kiisalu angerlarsimaffimmi peqqissaasunik amerlanerusunik atorfinitsitsineq, napparsimasut piartortunik katsorsaanerimi ilitsersuutinik malittarisassanillu ineriartortitsineq.

##### a. Inuunermik navianartorsiortitsisumik nappaateqartunut tunguinerimi immikkoortortaqaqarfimmi sunik ilinniagaqarsimasut sulissappa?

Akissut:

Immikkoortortaqaqarfik peqqissaasunik, nakorsamik, timimik sungiusaasumik, pillorissaasumik, tarnip pissusaanik ilisimasalimmik, inunnik isumaginninnermut siunnersortimik palasinillu inuttaqassaaq.

##### b. Inuunermik navianartorsiortitsisumik nappaateqartunut tunguinerimik immikkoortortaqaqarfimmi Naalakkersuisut qassinik sulisoqarnissaa naatsorsuutigaa?

Akissut:

Aningaasatigut sinaakkutit aallaavigalugit peqqinnissaqarfik immikkoortortaqaqarfimmi sulisunik pisariaqartitsinermik qulaajaasarpooq nalilersuisarlunilu. Peqqissaasut pingasuussasut, taakkunannga ataaseq nuna tamakkerlugu akisussaaffeqassalluni marlullu nunap immikkoortuani akisussaaffeqassallutik, nakorsaq ataasiussasoq, timimik sungiusaasoq immikkut ilinniarsimasooq ataasiussasoq, pillorissaasoq immikkut ilinniarsimasooq ataasiussasoq, tarnip pissusaanik ilisimasalik ataasiussasoq, inunnik isumaginninnermut siunnersorti ½-1-iussasoq naatsorsuutigineqarpoq. Tamatuma saniatigut pisariaqartitsineq malillugu najukkami palasimut attaveqartoqartassaaq.

**c. Qanoq ililluni qulakkeerniarneqarpa, aamma innuttaasut Nuup avataaneersut inuunermik navianartorsiortitsisumik immikkoortortaqaarfimmit passunneqarnissaat isumassorneqarnissaallu?**

Akissut:

Dronning Ingridip Napparsimmavissuani, nunap immikkoortuini peqqinnissaqarfinni aamma Kalaallit Peqqissartut Illuanni peqqinnissap tungaatigut sullissisut piartortunik paaqqutarinninnermi ilinniartinneqassapput. Imaannaanngitsumik piartortunut tunngatillugu sinerissami aamma Kalaallit Peqqissartut Illuanni ullumikkut nipaallisaanermut suliniuteqartoqareerpoq. Tamanna oqarasuaatikkut napparsimasut oqaloqateqarnikkut imaluuniiit Peqqissaavinni aamma Qitiusumik Napparsimmavinni sulisunik ilitsersuinikkut pisarpoq.

**d. Qanoq ililluni kommunit Peqqinnissaqarfiullu akimut suleqatigiinnerat qulakkeerniarneqarpa?**

Akissut:

Nappaatip piartuutaasup ersiutaanik nipaallisaanermut tunngatillugu peqqinnissaqarfii, kommunip aamma angerlarsimaffimmi ikiortip akornanni suleqatigiinnermik pilersitsisoqassaaq. 2024-p ingerlanerani peqqinnissaqarfimmi kommunimilu peqqissaanermi assistentit anniarpallaarunnaarsitsiniarneq pillugu pikkorissarnissamut neqeroorfigineqassapput.

**e. Suleqatigiit sulineranni aamma neqeroorutigineqartassava ilaqutariit qanigisaasullu napparsimasup toqoreernerata kingorna oqaloqatigineqartarnissaat?**

Akissut:

Aallaaviatigut taakkununga ingerlanneqartunut tunngatillugu malitseqartitsilluni oqaloqatiginittuqartassaaq, tassani inuunermik navianartorsiortitsisumik nappaateqartunut tungiuinermik immikkoortortaqaarfik akuutinneqartassalluni.

**2. Suut suliniutit Naalakkersuisut siunissami ingerlanniarpaat inuunermik navianartorsiortitsisumik nappaateqartunut tungiuinermik neqerooruteqartarnissat annertusinissaanut?**

Akissut:

Peqqinnissaqarfimmi peruluttunik nipaallisaatitortitsisarnermik neqeroorummik ineriartortitseqqinnissami siunissami pisariaqartitat aamma inuunermik navianartorsiortitsisumik nappaateqartunut tungiuinermi immikkoortortaqaarfimmik atulersitsinermi ingerlatsinermillu misilittakkat apeqputaajumaarput. Tamatuma peqatigisaanik peruluttunik nipaallisaatitortitsisarnermik neqeroorummik ineriartortitsineq Peqqinnissaqarfimmi ataatsimut ineriartornermut aamma neqeroorutunik pingaarnersiunermit ilaajumaarpoq.

**3. Pineqartumut Naalakkersuisut allanik suliamut soqutiginaartunik paasissutissiisnaanerlutik?**

Akissut:

Naalakkersuisut allanik paasissutissaateqanngillat.

Inussiarnersumik inuulluaqqusillunga

Med venlig hilsen

Agathe Fontain